







HYLLESTAD KOMMUNE		MØTEBOK	
KONTROLLUTVALET I HYLLESTAD KOMMUNE			
Møtestad:	Møterommet	Møtedato:	08.03.2012
		Frå kl.:	09:00
		Til kl.:	10:00
Faste medlemmer i Kontrollutvalet:		Møtte:	Forfall:
1. Håkon S Gill (Leiar)		X	
2. Sylvia Helms		X	
3. Stein Arne Solheim		X	
4. Øyvind Høie		X	
5. Reidun Skår		X	
Personlege varamedlemmer:		Møtte:	
1. Monica Ekreskar			
2. Frank Høgmo			
Ordføreren har møte og talerett i utvalet:			
Ordfører Tore Bråstad får tilsendt møteinnk. til utvalet sine møter.			
Andre som møtte:			
SEKOM-sekretariat v/Vidar Øvrebø.			
Saker som vart handsama / drøfta i møtet:			
SAKLISTA I MØTET:			
012/12 Godkjenning av innkalling og sakliste			
013/12 Møtereferat 17.02.2012 - Godkjenning			
014/12 Skriv og meldingar			
015/12 Orientering - Skulebusjett 2012			
016/12 Orientering - Dispensasjon frå utdanningskrav ved Åfjorddalen Barnehage.			
017/12 Orientering Taksering ved fastsetjing av eigedomsskatt			
018/12 Eventuelt.			
Merknader:			
Det var ingen merknader til innkalling eller sakliste			
UNDERSKRIFTER:		6957 Hyllestad 08.03.2012.	
 Håkon Gill, leiar	 Sylvia Helms	 Stein Arne Solheim	
 Øyvind Høie	 Vidar Øvrebø, sekretær	 Reidun Skår	

012/12 GODKJENNING INNKALLING OG SAKLISTE

Sakshandsamar: Vidar Øvrebø. SEKOM- sekretariat

Dato: 09.12.2011

Utval	Dato	Utv.- Saksnr.	Status	Vedtaks- organ
Kontrollutvalet	08.03.2012	012/12	-	Ja
Formannskap	-	-	-	Nei
Bystyret	-	-	-	Nei

KONTROLLUTVALET SITT VEDTAK

Det var ikkje merknadar til innkalling og sakliste

013/12 MØTEREFERAT 17.02.2012 - GODKJENNING

Sakshandsamar: Vidar Øvrebø. SEKOM- sekretariat
Dato: 29.02.2012

Utval	Dato	Utv.- Saksnr.	Status	Vedtaks- organ
Kontrollutval	08.03.2012	013/10	-	Ja
Formannskap		-	-	
Kommunestyre		-	-	

Saksvedlegg.

- Utkast møtebok frå kontrollutvalsmøte 17.02.2012.

Tilråding frå sekretariat til kontrollutvalet:

- Møteboka vert godkjent.

KONTROLLUTVALET SITT VEDTAK:

- Møteboka vert godkjent.

014/12 SKRIV OG MELDINGAR

Sakshandsamar: Vidar Øvrebø. SEKOM- sekretariat
Dato: 29.02.2012.

Utval	Dato	Utv.- Saksnr.	Status	Vedtaks- organ
Kontrollutvalet	08.03.2012	014/12	-	Ja
Formannskap	-	-	-	Nei
Kommunestyret	-	-	-	Nei

Saksvedlegg

- SM 06-12: Brev frå Sunnfjord Miljøverk IKS til representantskapsmedlemmene i SUM – Varsel om planlagt representantskapsmøte / Årsmøte i Sunnfjord Miljøverk IKS; Fredag 27. april.
- SM 07-12: Brev frå KRYSS-revisjon til Hyllestad kommune v/Rådmannen – Rådmannen sitt tilsyn i forhold til risiko for misleghald, m.v, datert 6. januar 2012..
- SM 08-12: Brev frå administrasjonssjefen i Hyllestad kommune til KRYSS-revisjon – Rådmann sitt tilsyn i forhold til risiko for misleghald, datert 08.02.2012.
- SM 09-12: Vedkommande administrasjonssjefen si oppseiing (Munnleg)

Tilråding frå sekretariat til kontrollutvalet:

- Skriv og meldingar vert teke til vitande.

KONTROLLUTVALET SITT VEDTAK:

- Skriv og meldingar vert teke til vitande.

Saksutgreiing

SKRIV OG MELDINGAR

Sakshandsamar: SEKOM-sekretariat v/Vidar Øvrebø

Innleiing – Kva saka gjeld

Skriv og meldingar som vert lagt fram i møtet.

Saksopplysningar:

I saka ligg alle skriv og meldingar som har kome til sidan førre kontrollutvalsmøte.

Kontrollutvalet må vurdere om det er skriv/meldingar som bør løftast opp som eiga sak. Dersom det ikkje er skriv/meldingar som skal løftast opp som eiga sak, bør ”skriv og meldingar” takast til vitande eller det kan gjevast ein kommentar til det enkelte skrivet.

Sekretariatet sine vurderingar:

015/12 ORIENTERING – SKULEBUDSJETT 2012

Sakshandsamar: Vidar Øvrebø. SEKOM- sekretariat
Dato: 28.02.2012.

Utval	Dato	Utv.- Saksnr.	Status	Vedtaks- organ
Kontrollutvalet	08.03.2012	15/12	-	Ja
Formannskap	-	-	-	Nei
Kommunestyret	-	-	-	Nei

Saksvedlegg:

Andre dokument i saka (ikkje vedlagt):

- Forskrift for kontrollutval i kommunar og fylkeskommunar.
- Kommunestyresak 93/11 «Budsjett for 2012 og økonomiplan 2012 – 2015»
- Tilsynsrapport frå Fylkesmannen i Sogne og Fjordane – «Skulen sitt arbeid med elevane sitt psykososiale miljø» - Hyllestad skule, datert 14.01.2012.
- Tilstandsrapport for grunnskulen i Hyllestad 2010.
- Kontrollutvalssak 005/12 Orientering – skulebudsjett 2012.
- Lov om grunnskolen og den vidaregåande opplæringa (Opplæringslova)

Tilråding frå sekretariat til kontrollutvalet:

- Kontrollutvalet tek orienteringa frå administrasjonssjefen/rektor til vitande.
- Kontrollutvalet tilrår at Hyllestad kommunestyre tek saksutgreiinga frå kontrollutvalet og orienteringa frå administrasjonssjef/rektor til vitande. Kontrollutvalet tilrår vidare at kommunestyret kjem attende til saka i samband med fyrste, føreståande budsjettregulering i 2012 og vedtak om rammetimetalet for skuleåret 2012 – 2013.

KONTROLLUTVALET SITT VEDTAK:

- Kontrollutvalet tek orienteringa frå administrasjonssjefen/rektor til vitande.
- Kontrollutvalet tilrår at Hyllestad kommunestyre tek saksutgreiinga frå kontrollutvalet og orienteringa frå administrasjonssjef/rektor til vitande. Kontrollutvalet tilrår vidare at kommunestyret kjem attende til saka i samband med fyrste, føreståande budsjettregulering i 2012 og vedtak om rammetimetalet for skuleåret 2012 – 2013.

ORIENTERING – SKULEBUDSJETT 2012

Sakshandsamar: SEKOM-sekretariat v/Vidar Øvrebø

Innleiing – Kva saka gjeld

Administrasjonen orienterer om skulebudsjettet 2012 i Hyllestad kommune.

Saksopplysningar:

- 1. Innleiing:** « Kontrollutvalet har ikkje noko mynde til å fatte vedtak som bind forvaltninga, og utvalet kan heller ikkje overprøve politiske prioriteringar som er gjorde av folkevalde organ. Utvalet skal heller ikkje nyttast som arena for «omkamp» om politiske saker der fleirtalet i kommunestyret eller politiske utval har fatta eit vedtak. Kontrollutvalet skal heller ikkje vurdere om politiske vedtak er føremålstenlege. **Kontrollutvalet kan likevel uttale seg dersom kommunestyret har treft eller er i ferd med å treffe eit vedtak som vil vere ulovleg»** (Sitat frå Kontrollutvalsboka s. 32.) Kommunestyret sitt vedtak vedkommande driftsbudsjettet var samrøystes. Her føreligg såleis ingen fare for at kontrollutvalet sine innspel kan oppfattast som ein «omkamp». Eit mogleg innspel frå kontrollutvalet bør ha fokus på tilhøvet til lov og regelverk der alle bør ha interesse i at gjeldande lov og føresegn vert respektert og etterlevd.
- 2. Nokre aktuelle dokument:** Tilstandsrapport for grunnskulen i Hyllestad 2010, handsama i kommunestyret 23. juni 2011. Tilsynsrapport frå Fylkesmannen hausten 2011. Sak 93/11 Budsjett 2012 og økonomiplan 2012 – 2015.
- 3. Generelt om budsjettframlegget og kommunestyret si handsaming:** Då budsjettet vart vedteke, oppstod eit manglande samsvar mellom verbalvedtaket på eine sida og taldelen av årsbudsjettet og økonomiplanen på den andre sida. Administrasjonssjefen gjorde i sak 013/12 framlegg om å rette opp dette mishøvet, og kommunestyret vedtok administrasjonen sitt framlegg til vedtak. Ved budsjetthandsaminga sak 93/11 vart ramma til skulen auka med kr 442 000, men det vart knytta føresetnader til bruken av denne auken. Det vart såleis føresett at borna i Prestefjæra skulle flytte opp på skulen med verknad frå 01.08.2012, og at «skulen finn plass for dei yngste elevane innanfor eige budsjett». I realiteten medførte ikkje denne auken ei forbetring av driftsbudsjettet, venteleg tvert om.
- 4. Tilhøvet til lov og regelverk:** I saksførelegget vart det opplyst at ein naudsynleg reduksjon av driftsramma som følgje av den gjevne budsjettamma vil vere 60 timar med verknad frå 01.01.12 og ytterlegare 22 timar frå 01.08. Det vart konkludert med at **«Budsjettamma ikkje gjev rom for vidareføring av noverande omfang av drift og heller ikkje pålagde utviding av aktivitetar»**. Opplysninga vart grunngeven med at dei nemnde reduksjonane ikkje er mogleg å få til utan å bryte lovverket, og konkluderer med fylgjande: **«Skuleleiinga ser ikkje framlagt ramme for drifta som forsvarleg.»** Saksopplysninga frå skuleleiinga si side vert mellom anna knytt til

lovpålagde tiltak etter Opplæringslova § 5.1 for elevar med særskilde behov der ein må gå inn og omgjere einskildvedtak etter Forvaltningslova som er føresett å gjelde fram til 31.07.12. Det gjeld også tiltak etter § 2-8 i Opplæringslova der ein ikkje kan vidareføre gjeldande vedtak vedkommande norskopplæringa for framandspråklege elevar. Når det gjeld vedtak etter Forvaltningslova, gjeld særlege reglar om klageinstans, jf. Opplæringslova § 15-2. Det vert vidare vist til at ein ikkje har kunna gjennomføre lovpålagd symjeundervisning sidan 2009, og med den pålagde ramma vil ein ikkje kunne gjennomføre lovpålegget i kommande budsjettår heller. Det same gjeld utvida meirbehov som fylgje av Stortingsmelding 22 og statsbudsjettet. I saksførelegget vert det vidare vist til at **«Læringsarbeidet til elevane og det faglege utviklingsarbeidet ved skulen vil verte råka av den økonomiske situasjonen og vil i mange høve ikkje vere forsvarleg om ramma ikkje blir auka»**, jamfør saksførelegget s. 8-9, der ein konkret viser til dei direkte fylgjene av vedtaket. Den pålagde ramma vil såleis medføre samanslåing av klassar og undervisning i spesialrom som ikkje er store nok og tilrettelagde med utstyr for så store klassar. Vedkommande skulen sin kompetanse er fylgjande presisert: **«Det er stor konkurranse om kvalifiserte lærarar, Hyllestad kommune står i fare for å miste naudsynt spisskompetanse.»** Kontrollutvalet legg til grunn at ovannemnde påpeiking er relatert til skuleeigaren sitt ansvar for å ha riktig og nødvendig kompetanse, som er heimla i Opplæringslova § 10-8.

- 5. Kontrollutvalet si vurdering:** Kontrollutvalet konstaterer at dei ovanfor nemnde vurderingane og konklusjonane frå skuleleiinga ikkje vart korrigerede, imøtegådde eller retta opp i administrasjonssjefen si utgreiing. Dei vart heller ikkje fylgde opp eller imøtegådde av kommunestyret. Dermed vert desse saksopplysningane ståande som faktum i saka. På dette grunnlaget ser kontrollutvalet det som viktig å gå nærare inn på fylgjande punkt:
- a) Fare for at læringsarbeidet til skulen vil verte råka og ikkje vil vere forsvarleg om ramma ikkje vert auka. Kontrollutvalet legg til grunn at omgrepet «forsvarleg» er knytta til Opplæringslova § 13-1, Plikt for kommunen til å sørge for grunnskoleopplæring og spesialpedagogisk hjelp, og § 13-10, Ansvarsomfang.
 - b) Tilhøvet til opplæringslova § 5-1 for elevar med særskilde behov. Fare for manglande rett til opplæring. Einskildvedtak etter Forvaltningslova med fylkesmannen som klageinstans., jf Opplæringslova § 15 – 2.
 - c) Tilhøvet til § 2-8 i opplæringslova der det blir opplyst at ein ikkje kan vidareføre gjeldande vedtak vedkommande norskopplæring for framandspråklege elevar.
 - d) Manglande oppfylging av lovpålagd symjeundervisning sidan 2009, og manglande oppfylging av avviket i budsjettet for 2012.
 - e) Samanslåing av klassar og undervisning i rom som ikkje er store nok og tilrettelagde med utstyr for så store klassar.
 - f) Manglande løyvingar for utvida meirbehov som fylgje av Stortingsmelding 22 og føringar/pålegg i statsbudsjettet.
 - g) Fare for å misse naudsynt spisskompetanse, jf. Opplæringslova § 10-8.
- 6. Førebels konklusjon: For kontrollutvalet ser det så langt ut til å føreliggje fare for at ovannemnde avvik frå regelverket i skulen punkt a-f, ikkje er blitt/blir fanga opp av skuleeigar representert ved administrasjonssjefen? Ovannemnde**

omstende er i alle høve så langt ein kan sjå ikkje kommentert eller fylgt opp av administrasjonssjefen eller kommunestyret.

Så langt ein kan sjå ligg det heller ikkje føre opplysningar i økonomiplanen som skal sikre at moglege avvik under punkta a – g er blitt fanga opp og eventuelt kan bli retta opp dei kommande åra. Det er såleis relevant å stille spørsmålet om skuleeigar har rutinar/ein plan for oppfylging og retting av avvik? I dette konkrete tilfellet – vert spørsmålet om skuleeigar har ein plan for oppfylging av ovannemnde, moglege avvik punkt a – g.

7. **Orientering 17.02 – skulebudsjettet 2012.** Etter å ha motteke innkalling til møtet 17. februar melde administrasjonssjef Nedrebø frå om at han ville vere forhindra frå å vere fysisk til stades under høyringa. Men han ville kunne fylgje saka på telefon, og i hans stad ville konstituert rektor Hildegunn Hatlem møte. Kontrollutvalet la denne ordninga til grunn for orienteringa.

Administrasjonssjefen innleia orienteringa med å vise til den dårlege økonomiske utviklinga hausten 2011, med fare for underskot på 2011-rekneskapen kring 3 – 4 millionar. Han viste vidare til at kommunestyret under budsjetthandsaminga tilførte skulebudsjettet 2012 kr 422 000, at ein no er oppe i eit prosjektarbeid, at ein for tida vurderer leige av paviljongar for å betre romsituasjonen, og at ein må komme attende til driftssituasjonen. Han gav deretter ordet til konstituert rektor.

Konstituert rektor Hildegunn Hatlem presiserte innleiingsvis at skulen hadde levert eit budsjettframlegg som lojalt heldt seg innanfor den tildelte ramma, men at dette fekk dei konsekvensane som er blitt påpeika i saksførelegget. Ho orienterte deretter om situasjonen innanfor dei einskilde punkta nemnde kontrollutvalet sitt saksførelegg under punkt 5 **Kontrollutvalet si vurdering.**

- a) Fare for at læringsarbeidet vil verte råka og ikkje vil vere forsvarleg om ramma ikkje vil verte auka. Rektor viste til at det har skjedd ein del endringar på skulen sidan skuleåret starta i august. Det ser i dag ut til at ein ikkje ligg på kollisjonskurs med Opplæringslova § 13 - 1 sitt krav om forsvarleg grunnskoleopplæring og spesialpedagogisk hjelp.
- b) Når det gjeld tilhøvet til § 5 – 1, rett til spesialundervisning for elevar med særskilde behov, viste rektor mellom anna til samhandlingsreforma og at ein her har teke grep innanfor lova sine rammer. Vedkommande einskildvedtak er fylkesmannen inne som klageinstans for å sikre den einskilde sine rettar, noko som medverkar til at her vil ein ikkje kunne halde seg innanfor budsjetttramma.
- c) Vedkommande § 2 – 8, framandspråklege elevar, viste rektor til at det skjedde endringar i januar ved at to elevar flytta frå kommunen. Men i august vil det melde seg nye behov.
- d) Den lovpålagde symjeopplæringa vert ikkje gjennomført, mellom anna på grunn av personalsituasjonen, manglande kompetanse. Budsjetttramma hadde heller ikkje rom for denne aktiviteten. Her føreligg det eit pålegg frå fylkesmannen.
- e) Samanslåinga av klassar, som vart varsla i budsjettframlegget, er ikkje gjennomført fordi ein ikkje har funne det forsvarleg.

- f) Vedkommande meirbehov som følgje av Stortingsmelding 22 og føringar/pålegg i statsbudsjettet arbeider ein med å fylgje opp moglege pålegg. Dette vil kunne medføre at budsjettet ikkje vil halde.
 - g) Når det gjeld faren for å misse naudsynt spisskompetanse, viste rektor til at budsjettprosessen har skapt frustrasjon blant personalet, og medverka til at utdanna lærar har søkt seg til ein annan kommune.
- 8. Sekretariatet si vurdering:** Sekretariatet legg til grunn at i hovudsak får elevane ei undervisning i samsvar med rett og plikt nedfelt i Opplæringslova. Eit unntak er den manglande symjeopplæringa der det føreligg eit pålegg frå fylkesmannen, jf. punkt d.

Sekretariatet viser elles til orienteringane under punkt b, c, e og f der ein ikkje har kunna tilretteleggje eit forsvarleg undervisningsopplegg innanfor den tildelte budsjetttramma. Slik ein forstår situasjonen er omgrepet forsvarleg her knytt til Opplæringslova § 13 – 1, jamfør punkt 5a og 7a ovanfor.

016/12 ORIENTERING – DISPENSASJON FRÅ UTDANNINGSKRAV VED ÅFJORDDALEN BARNEHAGE

Sakshandsamar: Vidar Øvrebø. SEKOM- sekretariat
Dato: 28.02.2012.

Utval	Dato	Utv.- Saknr.	Status	Vedtaks- organ
Kontrollutvalet	08.03.2012	16/12	-	Ja
Formannskap	-	-	-	Nei
Kommunestyret	-	-	-	Nei

Saksvedlegg

- Reglement for Administrasjonsutvalet – Vedteke i K-sak 73/95, 06.10.95, Gjeldande frå 19.10.95. (Gamalt reglement gjeldande til 20.12.2011.)
- Kommentar til avviksmelding frå administrasjonssjefen.

Andre dokument i saka (ikkje vedlagt):

- Forskrift for kontrollutval i kommunar og fylkeskommunar.
- Delegasjonsreglement frå administrasjonssjefen til stabsleiarar, tenesteleiarar og andre tilsette i Hyllestad kommune.
- Reglement for Administrasjonsutvalet – Vedteke i Hyllestad kommunestyret 20.12.2011, sak 88/11.
- Brev frå Styreleiar i Åfjordalen Barnehage «Søknad om dispensasjon frå utdanningskrav», arkivnr. 10/502-6, datert 14.juni. 2011 (**Ikkje offentleg**)
- Brev frå Styreleiar i Åfjordalen Barnehage «Søknad om dispensasjon frå utdanningskrav», arkivnr. 10/502-7, datert 14.juni. 2011. (**Ikkje offentleg**)
- Brev frå Hyllestad kommune til Åfjordalen Barnehage «Søknader – dispensasjon frå utdanningskrav» datert 23.06.2011. (**Ikkje offentleg**)
- Avviksmelding – «Gjeld dispensasjon frå utdanningskravet for tilsette i Åfjordalen Barnehage AS.» datert 2.8.2011.

Tilråding frå sekretariat til kontrollutvalet:

- Saka vert lagt fram utan tilråding til vedtak.

KONTROLLUTVALET SITT VEDTAK:

- Kontrollutvalet tek avviksmeldinga og orienteringa frå administrasjonssjefen til vitande. Ein har og merka seg munnleg orientering frå ordførar i kontrollutvalsmøte 17.02 vedkommande synspunkt på innføring av eit system for oppfølging av avviksmeldingar.
- **Kontrollutvalet tilrår:** Hyllestad kommunestyre tek saksutgreiinga frå kontrollutvalet til vitande og ber om at det vert sett i verk eit arbeid for å sikre at avviksmeldingar vert fylgde opp i vedkommande ledd i det kommunale forvaltningssystemet inntil ein kan kvittere ut avviket som retta opp.

ORIENTERING – DISPENSASJON FRÅ UTDANNINGSKRAV VED ÅFJORDDALEN BARNEHAGE

Sakshandsamar: SEKOM-sekretariat v/Vidar Øvrebø

Innleiing – Kva saka gjeld

Administrasjonen orienterer om dispensasjon frå utdanningskrav ved Åfjordalen Barnhage AS.

Saksopplysningar:

Den 22. juni 2011 tok Hyllestad kommune imot to søknadar om dispensasjon frå utdanningskrav i Åfjorddalen Barnehage AS frå styreleiar i barnehagen. I Brev frå Hyllestad kommune til Åfjorddalen Barnehage den 23.06.2011 svarar administrasjonssjefen på dispensasjonssøknadane og gir dispensasjon frå utdanningskrava på begge søknadane.

Den 2. august blir det oppretta avviksmelding der det blir hevda at prosessen rundt dispensasjonen ikkje har vore i tråd med praksis i Hyllestad kommune.

I kommentar til avviksmeldinga skriv administrasjonssjefen at det ikkje har vore avklara kven som skulle ha det overordna ansvaret og at det er ein ny situasjon for kommunen å ha ein privat barnehage å ta omsyn til.

Kontrollutvalet kalla inn administrasjonssjefen til møte den 17.02.12 for å få ei orientering om saka og for å få ei orientering om korleis denne konkrete avviksmeldinga vart fylgd opp. Administrasjonssjefen orienterte Kontrollutvalet i saka i møte pr. telefon i dette møtet, men kontrollutvalet vedtok å utsetje saka til neste møte for å få ytterlegare orientering frå administrasjonssjefen.

I tillegg å få belyst handtering av denne konkrete avviksmeldinga, ynskjer kontrollutvalet å bli orientert om rutinar ved handtering av avviksmeldingar generelt i Hyllestad kommune.

Administrasjonssjefen er kalla inn til møte i kontrollutvalet den 8. mars 2012.

Kontrollutvalet har merka seg at i K.sak 088/11 vedtok kommunestyret framlegg til nytt reglement for administrasjonsutvalet, som vart gjort gjeldande frå dags dato, den 20.12.2011. Vedkommande punkt 3.8. vedtak om dispensasjon for utdanningskrav etter barnehagelova, vart myndet delegert til administrasjonssjefen (= personalsjefen) for stillingar i kommunale barnehagar. For private barnehagar ligg vedtaksmyndet framleis hos administrasjonsutvalet, jf. punkt 3.5 i det nye reglementet.

Det går fram av administrasjonssjefen sine merknader at han ser det som naturleg å gjere framlegg om fleire endringar ved framtidige revisjonar. Kontrollutvalet ser ikkje grunnlag for å gå nærare inn på desse.

Kontrollutvalet konstaterer at administrasjonssjefen i dette høvet har gått utover si fullmakt, og at dette ser ut til å ha vore tilfelle også i føregåande år. Avviksmelding vart skriven 2.08.2011, men venteleg så seint at det sitjande administrasjonsutvalet ikkje har hatt høve til å reagere. I meldinga vart og opplyst at personalsjefen fekk «tilfeldigvis nyss i at dispensasjon» var gjeven, i utgåande brev frå administrasjonssjefen dagsett 23.06.2011.

017/12 ORIENTERING – TAKSERING VED FASTSETJING AV EIGEDOMSSKATT

Sakshandsamar: Vidar Øvrebø. SEKOM- sekretariat
Dato: 28.02.2012.

Utval	Dato	Utv.- Saknr.	Status	Vedtaks- organ
Kontrollutvalet	08.03.2012	17/12	-	Ja
Formannskap	-	-	-	Nei
Kommunestyret	-	-	-	Nei

Saksvedlegg

Andre dokument i saka (ikkje vedlagt):

- Forskrift for kontrollutval i kommunar og fylkeskommunar.
- Kommunestyrevedtak 081/06 Innføring av eigedomsskatt, datert 20.12.2012.
- Instruks for arbeidet med eigedomsskatt, datert 20.03.2007.
- Eigedomsskattevedtekter for Hyllestad kommune - Vedtekne av Hyllestad kommunestyre 16.05.07.
- Kontrollutvalssak 004/12 Orientering – Taksering ved fastsetjing av eigedomsskatt.

Tilråding frå sekretariat til kontrollutvalet:

- Kontrollutvalet tek orienteringa frå administrasjonen til vitande og ser saka som fullnøyande opplyst.

KONTROLLUTVALET SITT VEDTAK:

- Kontrollutvalet tek orienteringa frå administrasjonen til vitande og ser saka som fullnøyande opplyst.

ORIENTERING – TAKSERING VED FASTSETJING AV EIGEDOMSSKATT

Sakshandsamar: SEKOM-sekretariat v/Vidar Øvrebø

Innleiing – Kva saka gjeld

Administrasjonen orienterte om taksering ved fastsetjing av eigedomsskatt i Hyllestad kommune på møtet den 17.02.2012. Saka vart utsett.

Saksopplysningar:

Kontrollutvalet kalla inn administrasjonssjefen den 17.02.2012 i sak 004/12 «Orientering – Taksering ved fastsetjing av eigedomsskatt» for å få ei generell orientering om prosess ved fastsetjing av eigedomsskatt i Hyllestad kommune.

Kontrollutvalet ynskte spesielt å høyre om rutiane rundt taksering og krav til synfaring av eigedomar i samband med fastsetjing av eigedomsskatt.

Administrasjonssjefen kunne ikkje møte, men var med under møtet på telefon. Det var Kjell Eide, sjef for Plan og Utvikling i Hyllestad kommune som å orientere kontrollutvalet om prosess ved taksering, synfaring og fastsetjing av eigedomsskatt i Hyllestad kommune. For å dokumentere prosessen la han fram kommunestyrevedtak 081/06 «Innføring av eigedomsskatt», «Eigedomsskattevedtekter for Hyllestad kommune» og «Instruks for arbeidet med eigedomsskatt».

Kontrollutvalet vedtok å utsetje saka til neste møte.

Administrasjonssjefen er kalla inn til møtet i kontrollutvalet den 8. mars.

018/11 EVENTUELT

Sakshandsamar: Vidar Øvrebø, SEKOM- sekretariat
Dato: 29.02.2012

Utval	Dato	Utv.- Saksnr.	Status	Vedtaks- organ
Kontrollutvalet	08.03.2012	018.12	-	Ja
Formannskap	-	-	-	Nei
Kommunestyre	-	-	-	Nei

KONTROLLUTVALET SITT VEDTAK

- Det vart ikkje teke opp saker under eventuelt.

Saksutgreiing

Saker som kontrollutvalet ønskjer å kommentere, stille spørsmål ved eller ta opp i dette møtet eller i eit seinare møte, kan gjerast her.